

۱ - سنه



اعتصام

۳۰ تیر بن اول سنه ۱۳۳۵

۴ صفر سنه ۱۳۳۸

{ منافع عامه بنادام مجموعه اسلامیه در }

احمد شیرانی

ع. عاطف

طاهر المولوی

مصطفی نعیم

م. کریم

محمد باقی

تدبیر سنز و یا خود طالع سنز صبری افندی

اسلامیت و علم و معرفت

بخاراده علم و علما

آمد دیار بگردن برندا

مسائل فقهیه دن بر قاج سؤال

بو تون فنا القلره سبب سنز سکنز

فیثانی (۵) غروشدرد

محل اداره : قاج - اعتصام

۱۳۳۴

معاوماتی ذوات یوق دکلدی. حاصلی شیخ الاسلام صبری افندی محاورات و محاوراتند
 یک منطقی طوراندینی حالده معاملات واجرا آتنده ایجابات منطقه دن یک اوزاق
 قالدی. یاراتی اغیارندن تقریق ایده مهممی یاراتی ده اغیار صیره سینه کچیردی.
 فقط بوتون نواقص و تدبیر سزلیکلریله برابرینه پاک و وجدانی، صاف یوره کلی،
 خیر خواه، عقیف و مستقیم، قیمتی، نفوذ نظر صاحبی بر ذاتر. القات
 و تأثیرات خارجیه دن آزاده بولند قجه ای دوشنور، ای کورور. آنک ایچون،
 فرقه جی و شیخ الاسلام صبری افندیلر ایله علاقه م اولماق له برابر خواجه صبری
 افندیك - دونکی دوستلریك بوکون دشمن اولماسنر غماً - حالا دوستیم و دایماده
 دوست قاله سینگ،

احمد شیرانی

اسلامیت و علم و معرفت

ظلمده هیچ بر دین یوقدر که علم و معارفه اسلامیت قدر موقع و یرمش اولسون
 دین اسلام تاریخیاً وضوح و انکشاف تامه مستند اولدینی کی ماهیه ده علم و معرفت
 اساسنه مبتنی بر حقیقت، بر حقیقت صرفه اولدینی ایچون آنک نظر نده علمک، فنک یک
 یویوک بر قیمتی وارد.

دینیه بیلیر که بر مسلم نه قوتده علم و معرفت صاحبی ایسه اولسوننده قوی بر مؤمن
 اولور، و بالعکس نه قدر جاهل و احکام اسلامیه دن بی خبر اولورسه دیانته اودرجه
 ضعیف، او مرتبه حکم سز قایلر، ادیان سائر ایسه بویله دکلدر. آنلرده بر فرد،
 دیننه نه قدر وقوف سز بولورسه او قدر متدین یا شار و نه درجه واقف لدنیات اولورسه
 دیندن او قوتده تبعید ایدر.

علم و کمال صاحبی بر مؤمنک گذارش حیاتی نظر دقته آلیکز، کوره چکسکیز که
 سن شایبتدن اوان شیخو خننه قدر اخلاقی، اطواری، زهد و تقوایی کون کچدکجه
 تصفی و تزاید ایدر، عالمده منتشر سائر دین طالریک حالی ایسه هیچده بویله
 دکلدر، آنلر استکناهاات دینیه نه درجه ایلر یله ایسه دیننه اولان رابطه قلبیه می
 او قدر آزالیر.

صدر اسلامه طوغزی ارجاع نظر ایدمچك اولور سهق دینك علم و معرفتن عبارت اولدیفنی داما واضح ، داما منجلی کوروروز ، پیغمبر من « علیه الصلوة والسلام » افندیك افعال سنیه لرینه باقه لیم : اظهار بهشت بویوردقلری زمان ایلک ایشلری عربك اصحاب نظر و سوز آ کلاز طاقیله مناظره و مباحثه یه کیریشمک اولمشدر ، بونلردن ملاقی اولدقلرینه قرآن کریمدن بر سورة شریفه یا خود بش اون آیت جلیله اوقور ، اساسات اسلامیه یی آ کلاتیر و بوبایدی رأیلری ، مطالعه لری نه اوله بیله جکئی سؤال ایدردی .

عربانك منصف و معقول شناس اولانلری ویریلن ایضاحات ایله دین اسلامی عن علم قبول ایدر ، و مجرد تعندله اسلامی اظهار ایدمه یین بر قاج بدیخت استثناء ایدیلیرسه ریکرلری ده قناعت قلبیه حصوله کلینجه یه قدر تدقیقات و استکناها تنه دوام ایلر ، و فیخر کائنات افندیك ایله آره لرندیه محاوره زمانلرجه امتداد ایدردی . داما صورته لری مدینه اهالیسندن ، خزر جیلردن بمض ذوات ایله « عقبه » موقعنده ملاقات ایتدکلری زمان او ذوات اسلامی قبول ایدینجه ایلک تشبیلری کندیلرینه اصحاب کرامک ایلری کلنلرندن مصعب بن عمیر « رضی الله عنه » حضرتلریه ترفیق ایله مدینه یه کوندرمک اولمشدر .

مشارالیده امر رسالتلنهای موجبنجه مدینه ده زمانلرجه قاهره قاصار کرامک منور بر مقدمه سی اولان اوزذوات ایله اسلامی قبول ایدن دیگر مسلمانلره قرآن کریم و حقائق اسلامیه یی تعلیم ایدمک « مقری » ، معلم انصار لقب ممتازینجه اکتساب ایله مشدر .

رسول اکرم افندیك امی هایونلرینه اتباعاً اصحاب کزین « رضی الله عنهم » حضرتاتی ده بوتلم و تنویر مؤمنین خصوصنده پک زیاده بذل مجهود ایتشلر و ایجابنده بویوله فدای حیات ایتدکن بیله چکیممه مشدر : سیر کتابلرنده منظور اولدیفنی وجهله برکون « هون » قبیله سی افرادندن بری حضور رسالته کله رک — یا محمد ، بزم ایچمزمده بعض مسلمانلر واردر ، اصحابکدن پر قاجنی بزم ایله برلکده کوندردیه قرآن کریم و شرایع اسلامیه یی تعلیم ایله سینلر . دیعه سی اوزرینه مرشدین مرشدالفنوی حضرتلرینک ریاستی آلتنده آلتی کشی کوندیرلر ، بونلر مذکور قبیله نك جوارنده

« رجیع » صوینک باشنه واصل اولدقلری زمان ینه، مذ کور قبیله نك غدراً هجومه مهر و ض قالیرلر .

بونلردن اوچی مهاجرله قارشى قوبه رق تلف اولور ، دیگر اوچی حیاتلرینه قصد اولمیه جفته دائر ویریلن تأمینات اوزرینه تسلیم نفس ایدرلر سه ده دشمنلری اولان قریشه پنشکش ایدلک اوزره مکیه طوغری سوق اولنقده بولندقلری کورنچه ایملرندن بری فرار ایدرکن طاشله اوریلهرق اولدورولور ، دیگر ایکسی ده مکیه کوتوریلهرق قبیله نك صنادید قریش ائده بولونان ایکی اسیری ایله مبادله ایدیلر و بونلرده مکهلر طرفندن اعدام اولنور .

دقت ورقت شایاندرکه مکهلر طرفندن شهید ایدیلان بو ایکی ذاتدن « زید » اسمنده بری اعدام اولنه چی وقت ، اوزمانه قدر هنوز ایمان ابته مش اولان ابو سفیانك « یازید » ایستری ایدك كه محمد المزه دوشسونده سنك بریکه آنی اعدام ایدله یمن و سن اهل و عیالکله یاشایه سك « دیمه سی اوزرینه زید ، جواب ویرمش : « سزی یمین ایله تأمین ایدرم كه دکل رسول اللهك بنم یرمه هلاک ایدله سی مقام جلیلنده الیرینه بر دیکن باتمه سیله رنجیده اوله لرینی بیله ایستهم « دیمش و ابوسفیان یاری حسدله قاریشقی اوله رق « بونه سوکیدر ، هیچ بر قوم کورمدم كه مقتدرالینه مسلمانلرک محمد اولان سوکیلری قدر محبت ابراز ایله مش اولسون ! « دیدرتمشدر . ایشته بونلر ، مسلمانلرک ایمانی نه بویوک بر قناعتیه مستند اولدیفنی و نظرلرنده علم و معرفتک نه قدر اهمیتلی عد ایدلدیکنی کوستیرر دلائلندر .

ینه بوتورلو دلائلدن معدوددرکه خلفای عباسیه دورنده کتب حکمیه لسان عربیه ترجمه ایدلدیکی وقت آثار مذ کوره یه اك جوق رغبت کوستره نلر ، علمای اسلام اولمش و — خرستیانلقده اولدیفنی کی ییللرجه منازعات و مقاتلاته سببیت ویرمکسزین — ملت اسلامیه آره سنده آز بر زمان طرفنده انتشار ایدهرک متفکرین اسلامیه طرفندن بعضی نواقصی بیله اکال ایدلشدر .

باشقه دلایله نه حاجت کرک متقدمین ، کرک متأخرینك تالیفکرلری اولان علم کلام کتابلریمزی اله آلایم ، کوره جکز که هر مسأله ده اهل حق مذهبی دلائلیله بیان ایدلکدن صوکره مخالفینک مسسلکلی ده کال بیطرفی ایله شرح و ایضاح

ایدیله رک حقیقت میدانه قونولمش، وبوصورتله دین اسلامک نه بویوک دویغو، نه قدر
یوکسهک بر حریت افکاره استناد ایله مکه اولدینی آکلاقلشدر .

بر شوتمسک ایتدیگمز دین مبینی ، برده بوکونکی بولندیغمز سقوط اجتماعی
نظر دفته آلانلرک بو حاله حیرت ایتمه می ممکن اولیور ، باری بو حالمز بزم ایچون
پردوس عبرت اولسه انسان اوکاده نیک جان ایله راضی اوله جق ؛ فقط هیات !
امور تضحک السفهاء منها

ویکی من عواقب اللیب .

صن مدرس لر دن قونیه لی

ع . عاطف .

بخاراده علم و علما :

مابعد !

۱ — قادینلرده تحصیل ایدر لر می ؟

م — خایر .

۱ — ادراک و تلقی خصوصنده قادینلر ؛ ارککلرک دوننده اولمادینی حالده
ایچین اؤنلری تحصیلدن بی بهره براقیورلر ؟ حکمدان بری « آمریکا و فرانسه
قادینلرینک اختراعاتی کوردکنصرکرا قادینلرک قوه استنباطیه سی ارککلردن آشاغی
اولمادینی آکلادق « دییور ، سنرک پیغمبریکزده (طالب العلم فریضة علی کل مسلم
ومسلمه) بو یورویور . قادینلری تعلیم و تربیه شرفندن محروم بیراقان ملک و مملکت ،
نه قدر بدبختدر .

م — پک تحف آدمسکز . سوزلریکزدن ساده دللکلیکیف آکلشلیور .

قادینلرک یارادیلشنده کی حکمت ، آبحاق توالد و تناسله خدمتدر . بن اولا
عرض ایتشدمک یزده کی تحصیل ، ۱۷ یاشنده ختام بولور . قادینلری ده تحصیل
ایتدیره جک اولسه قی ختامنده هر بری ۳۷ یاشنه کیرمش بولونور و بو سند کی بر
قادینه رغبت ایدیله به جکی ایچین سلسله تناسل منقطع اولور .